



**PUSAT PENGAJIAN ASASI DAN UMUM**

**SEMESTER NOVEMBER 2024**

**KOD SUBJEK: MPU 3352 INTEGRITI DAN ANTI RASUAH (G1)**

**TAJUK TUGASAN: YB LIM GUAN ENG, PROJEK PEMBINAAN 3 JALAN UTAMA  
DAN TEROWONG LINK KE-3**

**NAMA PENSYARAH: MADAM NOR AKMARIAH BINTI ABDULLAH**

NAMA	NO. MATRIK
NURFATIN SYAMIMI BINTI NORAZIRA	4233004081
NURIN ATIKAH BINTI SALEHUDDIN	4233001671
ROSAELYANA BINTI RAMLI	4241002341
NUR KAMILIA NAJWA BINTI SAMSUL	4241002351
MOHAMED HAIKAL AFIQ BIN AZIZ	4241002381
NUR FARZANA BINTI ZAIDI	4241003051

## ISI KANDUNGAN

<b>1.0 TAJUK.....</b>	<b>2</b>
<b>2.0 PENGENALAN.....</b>	<b>2</b>
<b>3.0 LATAR BELAKANG KES (NAMA KES YANG DIKAJI).....</b>	<b>3</b>
<b>4.0 PERBINCANGAN.....</b>	<b>4</b>
4.1 Faktor berlakunya kesalahan.....	4
4.2 Kesalahan yang dilakukan perlu dikaitkan dengan akta atau undang-undang dan hukuman yang berkaitan.....	4
4.3 Implikasi kepada individu, organisasi dan negara.....	4
4.4 Langkah mengatasi isu integriti dan rasuah.....	4
4.5 Pengajaran daripada kajian kes yang dibuat.....	4
4.6 Rumusan kepada kajian kes yang telah dibuat.....	4
<b>5.0 RUJUKAN (APA FORMAT).....</b>	<b>5</b>

## **1.0 TAJUK**

Projek Pembinaan 3 Jalan Utama dan Terowong Link Ke 3.

## 2.0 PENGENALAN

Rasuah merupakan perbuatan salah guna kuasa, kedudukan atau pengaruh oleh seseorang individu untuk mendapatkan keuntungan atau faedah secara peribadi. Ianya dilakukan dengan cara yang tidak sah atau tidak beretika. Kebiasaannya, rasuah melibatkan penerimaan atau pemberian wang, hadiah atau sebarang bentuk ganjaran sebagai pertukaran untuk membuat keputusan, tindakan atau perkhidmatan yang sepatutnya dilakukan dengan cara yang adil dan mengikut undang-undang. Kes rasuah kebiasaannya terjadi dalam sektor awam dan swasta. Tindakan rasuah kebiasaannya dilakukan oleh individu yang memiliki kuasa seperti penjawat awam, pegawai kerajaan atau pemimpin politik. Menurut laporan Suruhanjaya Pencegahan Rasuah Malaysia (SPRM) menunjukkan statistik tangkapan kes rasuah meningkat sebanyak 6.38% iaitu sebanyak 909 kes pada tahun 2022 berbanding 851 kes pada tahun 2021.

Kajian kes yang dijalankan ini merupakan kes rasuah yang melibatkan seorang yang ternama iaitu Lim Guan Eng. Beliau dilahirkan pada tanggal 8 Disember 1980 di Johor Bahru, Johor. Beliau juga merupakan anak lelaki kepada Lim Kit Siang iaitu bekas Ketua Pembangkang di Dewan Rakyat. Lim Guan Eng berkahwin dengan isterinya yang dikenali sebagai Betty Chew Gek Cheng iaitu bekas Ahli Dewan Undangan Negeri Kota Laksamana, Melaka. Lim Guan Eng adalah seorang individu yang memiliki pendidikan yang tinggi. Beliau memiliki Ijazah Sarjana Muda Ekonomi dari Universiti Monash di Australia. Beliau juga merupakan seorang akauntan yang bertauliah dan telah mendapat kelayakan sebagai ahli Institut Akauntan Bertauliah Australia, (*Institute of Chartered Accountants in Australia*, ICAA). Sebelum menceburi bidang politik, Lim Guan Eng pernah menyandang jawatan sebagai eksekutif kanan dalam industri perbankan.

Pada tahun 1986, Lim Guan Eng mula melibatkan diri dalam bidang politik. Beliau dipilih sebagai Ahli Parlimen Kota Melaka. Beliau memegang jawatan tersebut dari 1986 hingga 1999. Dalam tempoh tersebut, beliau terkenal sebagai ahli politik pembangkang yang lantang memperjuangkan keadilan sosial dan hak asasi manusia. Lim Guan Eng juga pernah berjaya memimpin Pakatan Rakyat untuk memenangi negeri Pulau Pinang pada Pilihan Raya Umum (PRU) 2008. Beliau telah dilantik sebagai Ketua Menteri Pulau Pinang ke-4 dan telah menjalankan tanggungjawab dari Mac 2008 hingga Mei 2018. Sewaktu beliau mentadbir Pulau Pinang, negeri tersebut mencatat pertumbuhan ekonomi yang pesat dan pengurusan kewangan yang cekap. Antara pencapaian utama adalah polisi anti-rasuah, pembangunan

hijau dan transformasi bandar yang signifikan. Selepas Pakatan Harapan menang besar dalam PRU ke-14 pada Mei 2018, Lim Guan Eng dilantik sebagai Menteri Kewangan Malaysia di bawah pentadbiran Tun Dr. Mahathir Mohamad. Lim Guan Eng telah mencatat sejarah kerana sebagai Menteri Kewangan bukan melayu pertama di Malaysia. Semasa tempoh ini, beliau memberikan tumpuan kepada pengurusan hutang negara, pelaksanaan Cukai Jualan dan Perkhidmatan (SST) serta usaha pemulihan ekonomi. Beliau meninggalkan jawatan yang disandang itu pada Februari 2020 selepas kejatuhan kerajaan Pakatan Harapan.

Beliau juga memainkan peranan penting dalam Parti Tindakan Demokratik (DAP) iaitu sebagai Setiausaha Agung dari 2004 hingga 2022 sebelum menjadi Pengerusi Kebangsaan DAP. Selepas kejatuhan kerajaan Pakatan Harapan, Lim Guan Eng terus bergiat aktif sebagai Ahli Parlimen Bagan dan Ahli Dewan Undangan Negeri (ADUN) Air Putih dan memainkan peranan dalam dasar dan strategi politik pembangkang Malaysia. Lim Guan Eng telah menghadapi beberapa tuduhan rasuah berkaitan projek terowong dasar laut di Pulau Pinang.

### **3.0 LATAR BELAKANG KES PROJEK PEMBINAAN 3 JALAN UTAMA DAN TEROWONG LINK KE-3**

Latar belakang kes ini telah melibatkan projek pembinaan terowong dasar laut serta tiga jalan utama di Pulau Pinang. Projek ini telah diluluskan oleh kerajaan negeri di bawah pimpinan Ketua Menteri iaitu Lim Guan Eng pada 2013. Projek yang telah diluluskan oleh Lim Guan Eng itu bertujuan untuk mengurangkan kesesakan lalu lintas di Pulau Pinang. Selain itu, projek itu dijangka dapat meningkatkan aksesibiliti antara bahagian pulau dan tanah besar iaitu Seberang Perai. Selanjutnya, projek ini juga menyediakan infrastruktur moden untuk pembangunan jangka panjang. Projek mega yang bernilai 6.3 Bilion itu dianugerahkan kepada Konsortium Zenith BUCG SDN BHD. Ianya merupakan sebuah syarikat gabungan yang melibatkan beberapa entiti tempatan dan antarabangsa.

Projek pembinaan terowong dasar laut itu dijangkakan sepanjang 7.2 kilometer. Ianya untuk menghubungkan Gurney Drive di Pulau Pinang ke Bagan Ajam di Seberang Perai manakala pembinaan 3 jalan utama pula melibatkan Jalan Tanjung Bungah ke Teluk Bahang, Jalan dari Air Itam ke Lebuhraya Tun Dr. Lim Chong Eu serta Jalan dari Gurney Drive ke Lebuhraya Tun Dr. Lim Chong Eu. Berdasarkan kaedah pembayaran dan kontroversi, projek ini dirancang menggunakan kaedah bayaran melalui pertukaran tanah (*land swap*). Dianggarkan sebanyak 110 ekar tanah yang strategik di Pulau Pinang dikatakan telah digunakan sebagai bayaran kepada konsortium. Penilaian tanah dan kos pembinaan projek menjadi isu kontroversi, dengan kritikan terhadap ketelusan dan kebolehlaksanaan kaedah pembayaran ini

## **4.0 PERBINCANGAN**

### **4.1 FAKTOR-FAKTOR BERLAKUNYA KESALAHAN**

Kes yang melibatkan bekas Ketua Menteri Pulau Pinang YB Lim Guan Eng yang didakwa melakukan rasuah dalam projek pembinaan 3 jalan utama dan terowong link ke-3 telah menarik perhatian umum. Projek bernilai RM6.3 bilion itu melibatkan pembesaran infrastruktur utama di Pulau Pinang. Kes ini memberi peluang untuk membincangkan beberapa faktor yang mungkin menyumbang kepada jenayah, sama ada dari perspektif organisasi atau individu.

#### **1. Kekurangan Ketelusan dalam Proses Perolehan**

Salah satu faktor utama yang disebut dalam kes ini adalah dakwaan wujudnya ketidakpatuhan terhadap prosedur perolehan yang telus. Terdapat dakwaan bahawa Lim Guan Eng meminta suapan sebanyak 10% daripada keuntungan projek tersebut sebagai balasan membantu syarikat yang terlibat mendapatkan projek tersebut. Ketelusan dalam proses perolehan adalah elemen penting dalam memastikan integriti, tetapi kegagalan melaksanakan proses ini secara telus membuka ruang kepada penyalahgunaan kuasa.

#### **2. Peranan Pemain Utama dalam Industri**

Datuk Zarul Ahmad Mohd Zulkifli, pemilik syarikat yang dianugerahkan projek ini, didakwa bersekongkol dalam memberikan suapan kepada Lim Guan Eng. Faktor ini menonjolkan kelemahan dalam pengawasan dan kawalan terhadap hubungan antara kerajaan dan sektor swasta. Kebergantungan kepada individu tertentu untuk memacu projek berskala besar boleh menimbulkan peluang untuk amalan rasuah.

#### **3. Tekanan Politik**

Sebagai seorang pemimpin politik, Lim Guan Eng berhadapan dengan tekanan untuk menunjukkan hasil yang memberangsangkan bagi rakyat Pulau Pinang. Projek ini dianggap sebagai salah satu projek berprestij yang dapat meningkatkan imej pentadbiran beliau. Tekanan politik ini mungkin telah menjadi faktor yang mendorong beliau untuk mengambil jalan pintas bagi mempercepatkan proses pelaksanaan projek tersebut.

#### **4. Kelemahan dalam Sistem Pengawasan dan Audit**

Sistem pengawasan dan audit yang lemah turut menyumbang kepada berlakunya kes ini. Jika mekanisme pemantauan dan pengauditan dalaman lebih ketat, risiko amalan rasuah dapat diminimumkan. Dalam kes ini, kegagalan pihak berkuasa untuk mengenal pasti dan menangani amalan rasuah sejak awal mungkin telah memperburuk keadaan.

#### **5. Motif Peribadi dan Integriti**

Faktor lain yang perlu diambil kira adalah aspek integriti peribadi pemimpin. Walaupun Lim Guan Eng menafikan semua tuduhan terhadapnya, motif peribadi seperti keuntungan material boleh menjadi pendorong kepada amalan rasuah. Integriti yang kukuh diperlukan untuk menangkis godaan tersebut, terutamanya bagi individu yang memegang kuasa besar.



## **4.2 KESALAHAN YANG DILAKUKAN YANG BERKAIT DENGAN UNDANG-UNDANG DAN HUKUMAN**

Sumber-sumber yang ada memberikan butiran mengenai kesalahan yang didakwa dilakukan oleh Lim Guan Eng, serta proses perundangan yang mengikutinya. Walau bagaimanapun, akta dan undang-undang tertentu tidak dinyatakan dengan jelas.

### **Kesalahan yang Didakwa terhadap Lim Guan Eng:**

Penyalahgunaan Kuasa Antara kesalahan yang didakwa terhadap Lim Guan Eng adalah penyalahgunaan kuasanya sebagai Ketua Menteri Pulau Pinang. Beliau dikatakan telah menggunakan kedudukannya untuk memastikan bahawa Konsortium Zenith BUCG Sdn Bhd dianugerahkan projek bernilai RM6.7 bilion. Projek ini melibatkan pembinaan tiga jalan utama dan satu terowong hubungan ketiga, yang didakwa diberi kepada syarikat tersebut atas dasar kepentingan peribadi dan bukan berdasarkan merit.

Rasuah dan Korupsi Selain penyalahgunaan kuasa, Lim Guan Eng juga didakwa terlibat dalam amalan rasuah. Beliau dikatakan telah meminta sebanyak 10% daripada keuntungan projek tersebut sebagai ganjaran rasuah. Lebih lanjut, beliau juga didakwa menerima rasuah wang tunai berjumlah RM3.3 juta. Selain itu, terdapat dakwaan bahawa beliau turut menerima komisen sebanyak RM100,000, serta tambahan RM200,000 daripada projek yang sama. Tindakan ini mencerminkan isu rasuah yang serius, di mana tindakan tersebut menyalahi undang-undang dan memberi kesan negatif kepada integriti sistem pentadbiran negara

Pelupusan Harta Negeri Secara Tidak Sah Lim Guan Eng turut berdepan pertuduhan berkaitan pelupusan harta kerajaan negeri secara tidak sah. Dua lot tanah kerajaan negeri yang terlibat dalam kes ini adalah Lot 702 bernilai RM135,086,094 dan Lot 713 bernilai RM73,668,986. Pelupusan tanah ini didakwa berlaku tanpa proses yang sah, sekali gus melibatkan kerugian kepada kerajaan negeri dan rakyat.

### **Prosiding Undang-Undang:**

Kesalahan-kesalahan yang didakwa terhadap Lim Guan Eng telah membawa beliau ke muka pengadilan. Pada 7 Ogos 2020, beliau didakwa di Mahkamah Sesyen Kuala Lumpur atas tuduhan meminta rasuah sebanyak 10%. Pada 10 Ogos 2020, beliau juga didakwa di Mahkamah Sesyen Butterworth, Pulau Pinang, atas tuduhan menerima rasuah berjumlah RM3.3 juta. Pada 11 September 2020, beliau didakwa atas dua pertuduhan berkaitan pelupusan tanah kerajaan negeri. Prosiding undang-undang ini berterusan, dan pada satu ketika, mahkamah memutuskan untuk memindahkan kes berkaitan pelupusan tanah ke Mahkamah Sesyen Kuala Lumpur.

Mahkamah membenarkan Lim Guan Eng dibebaskan dengan ikat jamin sebanyak RM1 juta dan dua penjamin, serta passport antarabangsanya diserahkan kepada mahkamah sehingga kes selesai. Sehingga 2 Ogos 2023, kes ini masih berlangsung, dengan 33 saksi telah dipanggil untuk memberi keterangan di mahkamah.

### **Seksyen Undang-Undang Berkaitan:**

Seksyen 403 Kanun Keseksaan, yang berkaitan dengan salah guna harta secara tidak jujur, dikatakan relevan dalam kes ini. Walau bagaimanapun, tiada perincian lebih lanjut mengenai pertuduhan yang menggunakan seksyen ini. Meskipun terdapat pelbagai dakwaan terhadap Lim Guan Eng, sumber-sumber yang ada tidak menyebut dengan jelas akta atau undang-undang khusus yang terlibat dalam kes rasuah, penyalahgunaan kuasa, dan korupsi ini.

Kes ini terus menjadi perhatian umum, dengan prosiding yang masih berlangsung di mahkamah. Walaupun begitu, butiran mengenai hukuman yang mungkin dikenakan belum dapat dipastikan, memandangkan kes tersebut masih dalam siasatan dan perbicaraan.

#### **4.3 IMPLIKASI KEPADA INDIVIDU, ORGANISASI DAN NEGARA**

Kes Lim Guan Eng, yang melibatkan tuduhan rasuah dan penyalahgunaan kuasa, telah muncul sebagai masalah besar negara yang mendapat perhatian meluas dari semua masyarakat di Malaysia. Kes ini mempunyai kesan penting bagi individu yang terlibat secara langsung, organisasi berkaitan dan negara.

##### **1) Implikasi kepada Individu**

Dakwaan ini amat menjejaskan reputasi Lim Guan Eng sebagai pemimpin politik. Sesetengah individu mungkin mempersoalkan kredibiliti dan integriti yang dipertahankan setakat ini, terutamanya mengenai pemimpin yang sepatutnya menunjukkan kelakuan yang mulia. Selain itu, keadaan sedemikian boleh memberi kesan kepada kesejahteraan psikologi dan emosi ahli keluarga yang menderita. Selain itu, tekanan yang ketara wujud untuk memastikan pentadbiran yang adil bagi sesiapa yang terlibat secara tidak langsung, seperti saksi atau polis penyiasat. Mereka mesti melaksanakan tanggungjawab mereka dengan penuh integriti, tanpa mengira potensi ancaman atau tekanan daripada entiti yang berbeza.

##### **2) Implikasi terhadap Organisasi**

Kes ini turut memberi impak kepada entiti politik yang diwakili oleh Lim Guan Eng. Pandangan orang ramai terhadap parti mungkin dipengaruhi, terutamanya jika rakyat mula meragui keupayaan parti untuk mentadbir dengan integriti dan ketelusan. Ini juga boleh menyebabkan perpecahan dalaman dalam parti jika ahli mempunyai perspektif yang berbeza mengenai perkara itu. Selain itu, keyakinan terhadap pihak berkuasa, seperti Suruhanjaya Pencegahan Rasuah Malaysia (SPRM), juga dalam penelitian. Jika perkara ini diuruskan secara tegas atau tertakluk kepada campur tangan politik, orang ramai mungkin hilang keyakinan terhadap institusi ini.

##### **3) Implikasi terhadap Negara**

Perkara ini juga menjejaskan reputasi Malaysia terhadap antarabangsa. Tuduhan rasuah dalam kalangan pemimpin negara menunjukkan bahawa mengekalkan integriti dalam tadbir urus terus menjadi satu kesukaran. Ini mungkin menjejaskan keyakinan pelabur antarabangsa di Malaysia, kerana mereka mungkin menganggap risiko yang berkaitan dengan ketelusan dan kestabilan politik sebagai penghalang. Lebih-lebih lagi, rasuah jenis ini menjejaskan hubungan rakyat dengan kerajaan. Rakyat mungkin mengalami kekecewaan dan hilang

keyakinan terhadap sistem pentadbiran, mengakibatkan lonjakan kemarahan yang menghasut perhimpunan atau gerakan reformasi. Walau bagaimanapun, hasil yang menggalakkan mungkin timbul jika perkara ini ditangani dengan ketelusan dan ekuiti. Ia mungkin memberi contoh kepada rakyat bahawa undang-undang negara tidak memihak kepada mana-mana individu, justeru meningkatkan kepercayaan terhadap sistem perundangan.

#### **4.4 LANGKAH MENGATASI ISU INTEGRITI DAN RASUAH**

Mempertingkatkan kegiatan mengenai etika, nilai-nilai murni dan antirasuah di prasekolah merupakan langkah yang penting bagi untuk membentuk generasi zaman muda sekarang yang dimana boleh mempertingkatkan integriti dan pemikiran mereka sejak usia awal. Untuk meningkatkan etika, nilai-nilai murni, dan serta anti rasuah di kalangan anak muda, institusi latihan pengurusan dan Kementerian Pendidikan Malaysia (KPM) perlu memberi peranan yang penting, dimana memastikan modul pengajaran ini berjaya dihabiskan mengikut kesesuaian tahap mereka berkembang. Bagi tahap remaja, boleh mengikuti bengkel dan kursus yang dianjurkan oleh sekolah atau Suruhanjaya Pencegahan Rasuah Malaysia (SPRM), dengan ini dapat membantu remaja ini lebih yakin dalam mengintegrasikan elemen antirasuah ke dalam pembelajaran harian. Seterusnya, usaha ini juga boleh diperkukuhkan dengan kerjasama yang dijalankan bersama Suruhanjaya Pencegahan Rasuah Malaysia (SPRM) dimana membuat program di sekolah dan di universiti dengan menyediakan bahan mengajar untuk membuat program yang interaktif. Keseluruhannya, dengan memperkenalkan elemen antirasuah dan nilai-nilai murni di peringkat sekolah dapat membentuk masyarakat pada masa yang akan datang dengan lebih berintegriti dan bebas daripada gejala rasuah.

Seterusnya meningkatkan sistem saringan dalam pengambilan kerja penjawat awam adalah langkah seterusnya yang penting untuk memastikan individu itu seorang yang berintegriti dan berkhayal untuk dipilih bagi jawatan dalam sektor awam. Ujian integriti boleh digunakan sebagai daripada penilaian calon untuk menilai kejujuran, nilai moral dan komitmen mereka terhadap tugas yang akan dilaksanakan. Demi tapisan keselamatan, hendaklah termasuk semakan rekod jenayah, pengesahan dokumen akademik dan semakan latar belakang yang mendalam ke atas calon demi menjaga nama syarikat dan majikan. Dalam era zaman moden, sistem pengambilan berasaskan data yang boleh digunakan untuk menilai calon berdasarkan profil integriti boleh lihat di sosial media, untuk memastikan ketulusan pada setiap langkah proses pengambilan. Selain itu, dokumentasi dan pemantauan yang langsung bagi setiap peringkat proses perlu dilakukan. Dengan dilaksanakan secara berkesan, langkah-langkah ini boleh meningkatkan kepercayaan pada rakyat terhadap syarikat sektor awam, ia juga dapat memastikan boleh dipercayai, cekap dan bebas daripada salah menggunakan kuasa.

Selain itu, persidangan tahunan mengenai penyelidikan antirasuah adalah langkah yang strategik untuk menghimpunkan pakar, penyelidikan dan masyarakat untuk membincangkan bagaimana untuk mengukuhkan dan usaha mencegah rasuah. Persidangan memberi berperanan sebagai platform untuk membentangkan hasil penyelidikan terkini, berkongsi pengalaman dan hasil yang terbaik dari dalam dan luar negara, serta membina kerjasama antara pelbagai pihak yang penting. Ia juga boleh menggalakan penghasilan idea yang inovatif dalam menangani cabaran rasuah melalui penggunaan teknologi seperti menganalisis data besar, serta sistem *blockchain* yang mampu meningkatkan ketelusan dan juga integriti. Dalam persidangan ini, sesi perbincangan panel, kajian kes boleh dianjurkan untuk membolehkan peserta meneroka isu-isu seperti kelemahan dalam tadbir urus, risiko rasuah dalam sektor tertentu, serta langkah pencegahan yang telah terbukti berkesan. Persidangan ini boleh melibatkan agensi dari kerajaan, ahli akademik, serta sektor swasta untuk mengukuhkan rangkaian professional . Laporan yang dihasilkan dari persidangan boleh menjadikan sebagai panduan penting untuk menggubal dasar dan strategi baharu dalam menangani rasuah di peringkat nasional mahupun global. Pengukuhan integriti dan akauntabiliti pada dalam masyarakat boleh dicapai melalui penganjuran persidangan ini pada setiap tahun.

Kesimpulannya, mempertingkatkan kegiatan mengenai etika, nilai-nilai murni dan antirasuah di prasekolah, meningkatkan sistem saringan dalam pengambilan kerja penjawat awam dan persidangan tahunan mengenai penyelidikan antirasuah ialah langkah strategik yang bagus bagi untuk membentuk masyarakat yang berintegriti dan serta bebas rasuah. Seperti hujahan yang pertama, dimana pendidikan awal mengenai etika dan nilai-nilai murni yang diajar pada usia yang muda, serta dengan sokongan institusi latihan perguruan akan dapat membantu melahirkan generasi muda yang memahami kepentingan integriti pada sejak kecil. Seterusnya untuk hujahan yang kedua iaitu, sistem saringan yang ketat memastikan hanya individu yang berkhayalkan serta berintegriti akan dipilih untuk sektor awam melalui semakan dari segi kejujuran, penyiasatan latar belakang yang menyeluruh dan cara penggunaan mereka menggunakan teknologi kini, seperti sosial media. Pada masa yang sama, persidangan antirasuah tahunan juga boleh menjadi platform untuk membentangkan penyelidikan yang telah diselidiki oleh ahli Suruhanjaya Pencegahan Rasuah Malaysia (SPRM), ia juga menggalakan inovasi yang meningkat dan meningkatkan kerjasama dalam kalangan pihak yang penting seperti, sektor kerajaan, ahli akademik serta masyarakat.

#### **4.5 PENGAJARAN DARIPADA KAJIAN KES YANG DIBUAT**

Kes menerima rasuah Lim Guan Eng ini telah menjadi satu kes yang mendapat perhatian orang ramai termasuk seluruh masyarakat kerana isu kes yang besar dan mengejutkan ini melibatkan isu integriti, salah guna kuasa, dan tuduhan rasuah. Lim Guan Eng telah menyalahgunakan kuasa dan kedudukannya sebagai untuk kepentingan peribadi berkaitan dengan pemberian projek infrastruktur yang tinggi nilainya. Terdapat banyak pihak yang telah terbuka matanya tentang pentingnya integriti, ketelusan, dan akauntabiliti dalam pentadbiran kerajaan. Terdapat banyak pengajaran yang kita boleh terapkan melalui kes ini.

Pengajaran yang pertama dan utama adalah penyalahgunaan kuasa boleh membawa kepada akibat yang sangat serius dalam kehidupan sendiri dan masyarakat. Berdasarkan kes Lim Guan Eng ini, tindakan beliau untuk menggunakan kuasa demi keuntungan sendiri adalah sangat bertentangan dengan prinsip etika dan tanggungjawab sebagai pemimpin negara. Semua pegawai dan pemimpin negara perlu sedar akan tanggungjawab mereka untuk memegang amanah rakyat dan sekiranya gagal untuk menjalankan amanah ini, ia akan membawa kepada pendakwaan jenayah, hukuman yang berat dan yang lebih besar ialah kehilangan kepercayaan masyarakat. Disebabkan kes yang berat ini, ia akan meninggalkan kesan yang mendalam terhadap reputasi seseorang itu yang menerima rasuah. Menerima rasuah bukan sahaja menjatuhkan maruah diri tetapi ia juga akan menjatuhkan maruah negara, ekonomi, dan kestabilan sosial.

Ketelusan merupakan proses yang sangat penting kerana berdasarkan kes ini, ia menunjukkan bagaimana pemberian projek seperti pembinaan tiga jalan utama dan terowong ke-3 itu mencetuskan persoalan tentang sejauh mana proses itu dilakukan secara adil dan terbuka tanpa rasuah. Proses pemberian tender untuk projek kerajaan ini haruslah mengutamakan merit, keperluan khusus projek, dan keupayaan pihak yang terlibat dan seharusnya tidak dipengaruhi oleh hubungan yang peribadi atau mana mana gabungan politik. Pentingnya ketelusan ini bukan sahaja untuk keadilan yang tegak tetapi untuk meningkatkan keyakinan masyarakat terhadap institusi kerajaan. Jika terdapat persepsi tentang ketidakadilan, rasuah, dan pengambilan duit haram boleh menjejaskan kredibiliti seluruh rangka kerja. Rasuah yang berpunca daripada amalan berat sebelah membawa kepada salah laku dan salah menggunakan sumber awam.

Suruhanjaya Pencegahan Rasuah Malaysia (SPRM) juga memainkan peranan yang sangat penting yang tidak boleh dinafikan. SPRM memainkan peranan yang sangat penting untuk memastikan setiap dakwaan rasuah yang dilaporkan disiasat dengan penuh teliti tanpa mengira kedudukan atau status individu yang terlibat. Kes Lim Guan Eng telah memfokuskan bagaimana SPRM akan bertindak tegas terhadap individu yang didakwa terlibat dalam rasuah dan menerima rasuah. Tindakan mereka juga merupakan satu mesej yang sangat jelas, bahwa undang-undang adalah untuk semua tanpa kira kedudukan dan kuasa. Dengan usaha SPRM, dapat mencerminkan komitmen negara Malaysia negara yang memerangi rasuah, dan menjadi satu tonggak utama dalam membina satu pentadbiran yang telus dan berintegriti. Rasuah ini perlu dilihat sebagai satu pengkhianatan kepada rakyat dan negara.

Kesan terbesar daripada kes Lim Guan Eng adalah terhadap kepercayaan rakyat kepada institusi kerajaan. Isu ini telah mencetuskan kebimbangan dan menggoyahkan keyakinan rakyat terhadap kepimpinan negara. Semua pemimpin negara harus mengetahui bahawa integriti mereka merupakan cerminan kepada rakyat. Menerima rasuah bukan hanya mempengaruhi individu yang terlibat tetapi juga membawa impak yang besar kepada imej kerajaan. Oleh itu, sebagai pemimpin harus bertanggungjawab untuk bertindak sebagai teladan dengan menunjukkan integriti yang tinggi dalam setiap tindakan. Kepercayaan rakyat adalah aset penting dan merupakan asas kepada kestabilan pentadbiran.

Berdasarkan kes Lim Guan Eng, terdapat banyak pengajaran berharga tentang keperluan integriti, ketelusan, dan akauntabiliti dalam sektor awam. Tindakan menerima rasuah adalah satu perbuatan yang akan merosakkan moral, imej, dan pembangunan negara. Pentadbiran yang bersih dan berintegriti bukan sahaja akan meningkatkan kepercayaan rakyat tetapi juga menjamin keadilan. Semua pemimpin negara, penjawat awam, atau rakyat perlu memainkan peranan penting masing-masing dalam memastikan pentadbiran negara berlandaskan prinsip integriti, dan telus. Dengan cara ini kita dapat membina sebuah negara yang bebas daripada rasuah dan sentiasa menjadi negara yang maju.



#### **4.6 RUMUSAN KEPADA KAJIAN KES YANG TELAH DIBUAT**

Kes Lim Guan Eng ialah satu kes yang berprofil tinggi kerana ia melibatkan dakwaan rasuah, salah guna kuasa, dan pengubahan wang haram. Kes Lim Guan Eng telah menarik perhatian seluruh negara. Kes pembinaan 3 jalan utama dan terowong link ke-3 di Pulau Pinang telah menjadi perhatian ramai. Kes ini menjadi kontroversi apabila projek yang bernilai RM6.3 billion ini yang seharusnya dirancang untuk meningkatkan jaringan pengangkutan di negeri itu menjadi tragedi apabila terdapat ketidaktelusan dalam proses kontrak dan kebolehlaksanaan projek tersebut.

Lim Guan Eng telah didakwa menerima suapan sebanyak RM3.3 juta daripada pihak kontraktor utama projek tersebut dengan balasan meluluskan kontrak tersebut semasa beliau masih menjawat jawatan Menteri Pulau Pinang. Terdapat juga tuduhan beliau yang melibatkan kos kajian kebolehlaksanaan yang sangat tinggi dan terdapat pelbagai isu pengurusan yang mencetuskan persoalan tentang ketelusan. Lim Guan Eng menafikan semua tuduhan yang didakwa dan beliau menyatakan bahawa ini ialah serangan politik untuk menjatuhkan reputasi beliau. Kes Lim Guan Eng juga telah menimbulkan banyak perdebatan yang hangat dalam kalangan rakyat. Ada nya sokongan untuk melakukan siasatan terhadap projek ini memastikan akauntabiliti. Projek ini telah menjadi simbol kepada cabaran integriti dalam pentadbiran awam, khususnya dalam pengurusan projek berskala besar yang secara tidak langsungnya melibatkan dana awam.

Nasib Lim Guan Eng mencerminkan integriti sistem keadilan di Malaysia. Ia menjadi satu pengajaran yang penting untuk semua pihak tidak kira sama ada pemimpin, ahli politik dan rakyat bahawa ketelusan dan akauntabiliti perlu menjadi asas dalam pentadbiran. Apabila melibatkan projek yang memberi impak besar kepada rakyat. Melalui ketelusan, kita dapat meningkatkan keyakinan rakyat terhadap kepimpinan dan sistem keadilan negara dapat ditingkatkan.

## 5.0 RUJUKAN (APA FORMAT)

1. *SURUHANJAYA PENCEGAHAN RASUAH MALAYSIA (SPRM)*. (n.d.).  
<https://www.sprm.gov.my/>
2. SPRM. (n.d.). *PEMBANTERASAN RASUAH*.  
[https://www.sprm.gov.my/admin/uploads\\_publication/strategi-pembanterasan-rasuah-nasional-2024-2028--my-31052024.pdf](https://www.sprm.gov.my/admin/uploads_publication/strategi-pembanterasan-rasuah-nasional-2024-2028--my-31052024.pdf)
3. Abas, N. (2021, December 17). *Guan Eng minta rasuah 10 peratus – ahli perniagaan*. Kosmo Digital.  
<https://www.kosmo.com.my/2021/12/17/guan-eng-minta-rasuah-10-peratus-ahli-perniagaan/>
4. Ali, A. J. M. (2024, August 16). Saksi utama kes rasuah Guan Eng nafi sorokkan pengawal peribadi. *Harian Metro*.  
<https://www.hmetro.com.my/mutakhir/2024/08/1123392/saksi-utama-kes-rasuah-guan-eng-nafi-sorokkan-pengawal-peribadi>
5. *Mana prinsip integriti yang di laungkan Lim Guan Eng pada sidang Dewan Rakyat pada 2008 yang lalu ?* (n.d.).  
<http://www.penangonline.net/2017/08/mana-prinsip-integriti-yang-di-laungkan.html>
6. *Projek terowong RM6.3 bilion: Guan Eng hadir beri keterangan kali ketiga kepada SPRM*. (2020, July 26). Astro Awani.  
<https://www.astroawani.com/berita-malaysia/projek-terowong-rm63-bilion-guan-eng-hadir-beri-keterangan-kali-ketiga-kepada-sprm-252812>